

1957 > 2004

LUÍSA VILLALTA

LETRAS GALEGAS 2024

Luísa Villalta

Da Cidade Alta á Universidade



Luísa Villalta naceu na Coruña o 15 de xullo de 1957, no número 6 da rúa Vila de Laxe, onde viviu os seus primeiros anos.

Os pais, Rafael Villalta Crespo, empregado de banca, e María del Carmen Gómez Castro, formada en Comercio, tiveron outra filla, Susana.



Celebración do seu 14 aniversario, coa súa irmá e a súa nai

En 1974 comeza os estudos universitarios de Filoloxía Hispánica no Colexio Universitario da Coruña. No curso de 1977-78 continúa a carreira en

Compostela, pero segue vivindo na Coruña. Licéñciase en Filoloxía, seccións de Hispánicas e Galego-Portugués, en 1982.



En 1978 casa con Paulino Martínez Pereiro, tamén músico e escritor, a quen coñecera nas aulas universitarias. O matrimonio durou ata 1998.




Con Paulino Pereiro



Antiga Facultade de Filoloxía da Universidade de Santiago, na praza de Mazarelos

Da música ás letras

Desde finais dos anos setenta ata a segunda metade dos oitenta desenvolve unha notoria actividade musical, primeiro no grupo folk Escaino, con Paulino Pereiro (frauta traveseira), Luís Martínez Pereiro (clarinete) e Xoán Fernán Bello (percusión), e posteriormente na Orquestra de Santiago (1985-86) e a Xove Orquestra de Galicia (1987-88).



*Un día sain do meu violino, lembro,
e enxordecín a escala da corda por
lle facer nós de palabras que me
permitisen baixar aos camiños...*

"Poética da concreción", 2003




Nunha actuación do grupo Escaino de finais dos anos 70



Ensaiando co "violino" na súa casa



Xunto a Paulino Pereiro (de pé) e José Luis Evangelista.
1989



1957 → 2004

LUÍSA VILLALTA

LETRAS GALEGAS 2024

Luísa Villalta



Con Isaac Díaz Pardo, no instituto de Sada. 6-VI-1994

Docencia

En 1988 consegue, por oposición, praza de profesora de Lingua e Literatura Galegas. O inicio da súa carreira docente levouna ao actual IES Xosé Neira Vilas, de Perillo-Oleiros. Do curso 1989-90 ao 1990-91 imparte clase no Instituto de Bacharelato de Canido (Ferrol), ata o seu destino definitivo no IES Isaac Díaz Pardo, de Sada, onde desenvolve un intenso labor organizativo, de acción cultural e de responsabilidades directivas ata o seu prematuro falecemento o 6 de marzo de 2004, con só 46 anos.

De resultas da súa actividade educativa, colaborou en varios manuais escolares de autoría colectiva, como Actividades de léxico (I e II) (1990), Actividades de expresión oral e escrita (1990) e Actividades de construcción gramatical (1991).



Compromiso e militancia

*Fronte á rutina, o rito da palabra tensa
a pel do mundo: un tambor que desperta.
A pel estremece-se porque reconeñe a morte
que baila fóra da tumba.*

Isto é tamén unha muller que resiste.

“Ritos de resistencia”, Ruído



Na compañía de Xosé Ramón Pena, Carlos Bernárdez, Ramón Nicolás e Xavier Alcalá, en Donostia, nun encontro de Galeuzka. 1994

Tamén participou no asociacionismo cultural (Mesa pola Normalización Lingüística, AS-PG, Foro da Cultura Galega, Galeuzka e a Asociación de Escritores e Escritoras en Lingua Galega, da que foi vogal da directiva entre 1993 e 2001) e na actividade política, nas organizacións Esquerda Nacionalista e Bloque Nacionalista Galego.



Cos compañeiros e compañeiras da AELG. 1995

Luísa Villalta foi persoa atenta e militante en causas sociais e políticas do seu tempo: o feminismo, a emigración, o desastre do Prestige, os problemas do terceiro mundo e as súas loitas de liberación, a denuncia da marxinación social..., actuando en plataformas reivindicativas (Nunca Máis, Foro Negro da Cultura...).


En Grândola, a localidade portuguesa que fixo universal a canción de Zeca Afonso



Compendium musices,
cadernos con escritos inéditos

A poesía

No cerne da súa concepción poética están a procura do sentido da escrita, o papel da literatura e a natureza da palabra, con especial atención á relación da poesía e a música.



«Rota ao interior do ollo»
LUÍSA VILLALTA
(Galiza)

Se ao principio foi a palabra, antes dela foi o son e, despois, o entendimento e transmisión da súa melodía. Eis a Música, que brota como o río da existencia, e a Palabra, que interpreta o seu ritmo como unha danza ritual arredor do lume da intelixencia. Eis a Poesía, palabra melódica.

Do “Prólogo” de MÚSICA RESERVADA



Catro xeracións de poetas, na Coruña, en agosto de 1998. Á súa dereita, Luz Pozo Garza e Emma Couceiro. Á súa esquerda, Teresa Seara e Pilar Pallarés





Postumamente, tamén apareceron Papagaio (2006), con fotografías de Maribel Longueira, e As palabras ingravidas (2020).



Son catro os poemarios que preparou para publicar: Música reservada (1991), Ruído (1991), Rota ao interior do ollo (1995) e En concreto, obra gañadora do XII Premio de Poesía Espíritu Maior, que se publicou postumamente no mesmo ano do seu falecemento. O xurado considerou a obra como resultado dun “pensamento poético maduro”, de “carácter expresionista” e valorou o “equilibrio estilístico entre o conceptual e o visionario”; unha obra de plena madureza autorial, coa súa cidade natal como gran protagonista.

*O meu nome é o da Cidade Alta
nacido onde a luz e o mar se están orixinando
mutuamente
nacín enfrente de min mesma
cando a Pescadería era un leito de sereas
e a serpe demorada na voz dos meus avós
vento dos ventos*

Do “Poema da Cidade Alta”, de EN CONCRETO)





1957 > 2004

LUÍSA VILLALTA LETTRAS GALEGAS 2024

Luísa Villalta

A narrativa

O mesmo ano 1991 en que publica os seus primeiros poemarios, tamén o é da publicación da súa primeira obra narrativa, *Silencio, ensaiamos*, colección de once relatos onde a presenza da música se convoga cun mozo lendario e un fondo compromiso social.




Ademais de múltiples escritos en obras colectivas, publicou as novelas *Teoría de xogos* (1997), obra cun gran peso do parateatral, e *As chaves do tempo* (2001), construída como unha alegoría artúrica que ofrece lecturas simbólicas en clave social e identitaria, e onde a voz feminina e comprometida reflexiona sobre o rol social atribuído ás mulleres.

Luísa Villalta tamén exerceu o xornalismo de opinión nas páxinas do xornal *A Nosa Terra*. En 2005 publicouse *O libro das columnas* (2005), onde se recolleron medio cento de artigos centrados en temas da actualidade social, política e cultural do momento.



Na presentación de *Música reservada*, na Galería Sargadelos de Compostela o 17-1-1992, xunto con *Metáfora da metáfora* e *Urania*, coas súas autoras, María Xosé Queizán e Chus Pato, na compañía de Miguel Anxo Fernández Vello



Nun acto na Universidade da Coruña, con Francisco Pillado (centro). 30-V-1996




Homenaxe a Manuel María, con Bernardino Graña, Uxío Novoneyra, Manuel María, Marica Campo e Pilar Pallarés seguindo a súa intervención. 1995


A obra dramática, o ensaio e o xornalismo

Luísa Villalta tivo no teatro unha forma de expresión preferente, e nel tamén están presentes os temas que interesan o resto da súa obra literaria, como o compromiso social, o poder da palabra e os conflitos morais ou existenciais.

As súas obras apareceron desde os seus mesmos inicios literarios: *Concerto para un home só* (1989), *O representante* (1990), *O paseo das esfinxes* (1991), *As certezas de Ofelia* (1999) e *Os doces anos da guerra* (2001).



O seu labor ensaístico, presente en múltiples publicacións periódicas e obras colectivas, recóllese nos libros *O 'Don Hamlet' de Cunqueiro: unha ecuación teatral* (1992), obra que, por vez primeira, aborda a versión cunqueiriana da traxedia de Shakespeare, e tamén traduciu (con Francisco Pillado, quen contribuíu de xeito decisivo en interesala pola escrita dramática) *A mandrágora*, de Niccolò Machiavelli.



O outro lado da música, a poesía (1999), un orixinal ensaio que procura a presenza substantiva da música na poesía galega dende a Idade Media ata as Irmandades da Fala e a época Nós; unha obra fundamental para mellor comprender tanto a poesía galega de todo tempo como a propia escritura de Luísa Villalta.



O ritmo, ligado ás nocións de tempo, de repetición e variación, de sucesión e acompañamento, constitúe o centro dun compendio expresivo formado pola danza, a música e a poesía, actividades que se desenvolveron independentemente na posterior evolución cultural.



De *O OUTRO LADO DA MÚSICA, A POESÍA*

UNHA PRODUCCIÓN DE Merlin Comunicación / Editorial Galaxia
PARA A Fundación Penzol
DISEÑO E MAQUETACIÓN: Hayat Husein
COORDINACIÓN: Xesús Domínguez Dono
FOTOGRAFÍAS: Arquivo familiar / CRPH
IMPRESIÓN: CdeC